

436/25-

1670

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
**Služba za vodoprivredu, putnu infrastrukturu i mjesne zajednice**

Broj: 09-45-3376/25-N.D.  
Zenica, 17.02.2025. godine

— 01 —

**GRADONAČELNIK**

**PREDMET: Materijal za sjednicu Gradskog vijeća, dostavlja se -**

Poštovani,

U prilogu akta, dostavljamo Vam materijal za sjednicu Gradskog vijeća - Prijedlog Odluke o dopunama Odluke o organizaciji i sigurnosti saobraćaja.

Podsjećamo da je Prijedlog Odluke sačinjen u koordinaciji sa Sekretarom Gradske uprave i Službom za normativno-pravne poslove.

Prijedlogom Odluke je predviđena zabrana ulaska motornih vozila koja vrše snabdijevanje robom u ulicu Maršala Tita.

Materijal proslijeđujemo i putem e-maila na adresu: kabinet.gradonacelnika@zenica.ba.

S poštovanjem!

**Prilog:**

1x Prijedlog Odluke o dopunama Odluke o organizaciji i sigurnosti saobraćaja

Pripremila:

Nejra Durak, šef Odsjeka za puteve i saobraćaj

*Nejra*

**DOSTAVLJENO:**

1x Naslovu  
1x a/a

**POMOĆNICA GRADONAČELNIKA**  
(po ovlaštenju)

Dr. sc. Ana Čosić



**FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**PRIJEDLOG**

Obradivači:  
Služba za vodoprivredu, putnu infrastrukturu i  
mjesne zajednice  
Služba za normativno-pravne poslove

**ODLUKA**  
**o dopunama Odluke o organizaciji i sigurnosti saobraćaja**

Zenica, februar 2025. godine

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23), člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 21. i 116. Statuta Grada Zenica ("Službene novine Grada Zenica", broj 5/15) Gradsko vijeće Zenica na \_\_\_\_\_ sjednici održanoj \_\_\_\_\_ godine, donijelo je

## **ODLUKU**

### **o dopunama Odluke o organizaciji i sigurnosti saobraćaja**

#### **Član 1.**

U Odluci o organizaciji i sigurnosti saobraćaja ("Službene novine Grada Zenica", broj 8/24) u članu 19. dodaje se novi stav (2) koji glasi:

"(2) Izuzetno, nije dozvoljeno kretanje motornih vozila licima iz stava (1) tačka a) ovog člana u ulici Maršala Tita."

#### **Član 2.**

U članu 41. u stavu (1) iza tačke d) dodaje se nova tačka e) koja glasi:

"e) postupi suprotno članu 16. stav (4) Odluke,".

U istom stavu, iza tačke e) koja je ovim dopunama postala tačka f), dodaje se nova tačka g) koja glasi:

„g) postupi suprotno članu 19. stav (2) Odluke,”.

Dosadašnje tačka e), f), g), h), i), j) i k) postaju tačke f), h), i), j), k), l) i m).

#### **Član 3.**

Odluka stupa na snagu osmog dana od dana objavljivanja u Službenim novinama Grada Zenica.

Broj: 01- \_\_\_\_\_/25  
Zenica, \_\_\_\_\_ 2025. godine

**PREDSJEDAVAJUĆA  
GRADSKOG VIJEĆA**

Snježana Vrhovac

## **OBRAZLOŽENJE**

### **I PRAVNI OSNOV**

Pravni osnov za donošenje Odluke o dopunama Odluke o organizaciji i sigurnosti saobraćaja sadržan je u:

- članu 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23), kojim je regulisano da će organi Bosne i Hercegovine, entitetski i kantonalni organi i organi Brčko Distrikta Bosne i Hercegovine i organi lokalne samouprave i lokalne uprave u gradovima i općinama osigurati provođenje ovog Zakona i u okviru svoje nadležnosti donositi propise i poduzimati druge potrebne mjere za njegovo dosljedno provođenje;
- članu 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) kojim je predviđeno da je organ odlučivanja jedinice lokalne samouprave u gradu gradsko vijeće;
- odredbama članova 21. i 116. Statuta Grada Zenica ("Službene novine Grada Zenica", broj 5/15) kojima je propisano da Gradsko vijeće u okviru svoje nadležnosti donosi odluke i druge opće akte kojima se uređuju pitanja iz samoupravnog djelokruga Grada.

### **II RAZLOZI ZA DONOŠENJE ODLUKE**

Razlozi za donošenje ove odluke proizilaze iz potrebe za očuvanjem pješačke površine u ulici Maršala Tita koja je popločana granitnim pločama, a koje se uslijed prekomjernog ulaska i kretanja motornih vozila uništavaju (izlaze iz ležišta i lome se), te se svake godine obezbjeđuju sredstva iz budžeta Grada Zenica za sanaciju istih i ugradnju novih.

Pravna i fizička lica, koja vrše snabdijevanje robom u ulici Maršala Tita, imaju pristup sa bočnih ulica. Zabranom kretanja motornih vozila kojim se vrši snabdijevanje robom u ulici Maršala Tita će se uveliko umanjiti uništavanje granitnih ploča čime se poboljšava zaštita javne površine i bezbjednost pješaka u pješačkoj zoni.

S obzirom da je Odlukom o organizaciji i sigurnosti saobraćaja u članu 16. stav (4) propisano da nije dozvoljeno kretanje bicikala, električnih romobila, odnosno svih drugih ličnih električnih prijevoznih sredstava u pješačkoj zoni, osim lica u pokretnoj stolici za nemoćna lica koju pokreću vlastitom snagom ili snagom motora, kao i da se prijedlogom Odluke zabranjuje kretanje motornih vozila u svrhu snabdijevanja robom pravnih i fizičkih lica u ulici Maršala Tita, bilo je potrebno propisati novčane kazne za kršenje navedenih odredaba.

### **III OBRAZLOŽENJE PRAVNIH RJEŠENJA**

Članom 1. propisuje se zabrana kretanja motornih vozila u ulici Maršala Tita u svrhu snabdijevanje robom pravnih i fizičkih lica koja imaju poslovno sjedište, odnosno obavljaju djelatnost unutar tog dijela pješačke zone.

Članom 2. propisuje se izricanje novčane kazne iz člana 41. stav (1) Odluke za postupanja u suprotnosti sa članom 16. stav (4) i članom 19. stav (2) Odluke.

Članom 3. propisano je stupanje na snagu Odluke o dopunama Odluke o organizaciji i sigurnosti saobraćaja.

### **IV FINANSIJSKA SREDSTVA**

Za provođenje ove odluke nisu potrebna finansijska sredstva iz Budžeta Grada Zenica.

### **V OBRAZLOŽENJE SKRAĆENOG POSTUPKA**

Imajući u vidu činjenicu da predmetna odluka ne podrazumijeva obimnu pravnu regulaciju, ista se, shodno odredbama člana 69. stav (1) Poslovnika Gradskog vijeća, dostavlja na razmatranje Gradskom vijeću u formi prijedloga.